

皇朝藩屬輿地叢書

東坡先生詩集卷之八



皇朝藩屬

輿地叢書



皇於藩系與地叢書序

夏傳高首周紀駿方步印 歷史地志三乞也與
地、字裨並改治由來久已 皇朝有有區宇東漸
於海西被於汎沙朔南登考教託于四海欽
承 列聖崇儒是道務在左文儒字之士源貫
史才熟洞掌故教筆乃與地書子周知廣備詳
沿革宏編巨著獨漢乃難欲甄叙其繁則汗漫
而寬要簡而既扁而不詳近時清和玉色編輯小方壺
齊與地叢鈔吳中浙台屢書會工搜刻各稱皆謂

精擇慎選有裨實用矣又瑞梅之人今已別出心裁詳加修訂
訂就西河雲石搜集成海志。皇朝藩屬興地書志書雅
澤制酒司今不隸我版冬元史律文未便列諸方志始意在參考
地勢兼收並採固自是務簡二開疆尤屬深意凡讀是編者咸
懷如手親躬武功者宜文治旁敷中葉濟平長駕速取固也皇子宜
何枕懷往哲慨想時艱藉考訂之勤達恢復之志則是書刻豈
僅楮墨錫凍舟車便覽惟愿國之冊供糊祭之用也哉

光緒癸卯閏五月常應第允廣序

皇朝藩屬輿地叢書總目

第一集

西藏圖考

八卷

西招圖略

一卷

越史略

三卷

第二集

吉林外紀

十卷

黑龍江外紀

八卷

塞北紀行

一卷

西北城記

一卷

甯古塔紀略

一卷

西遊記金山以東釋

一卷

帕米爾圖說

一卷

帕米爾輿略

一卷

澳大利亞洲志

一卷

第三集

蒙古遊牧記

十六卷

長春真人西遊記

二卷

新疆要略

四卷

第四集

漢西域圖考

七卷

西域水道記

五卷

新疆賦

一卷

漢書西域傳補注

二卷

第五集

東北邊防輯要

二卷

東三省輿地圖說

一卷

滇緬劃界圖說

一卷

平定羅刹方略

一卷

至元征編錄

十五卷

元朝秘史注

第六集

元史譯文證補

三十卷

職方外紀

五卷

元秘史山川地名考

十二卷

叢書目錄終

附條陳十六事
查看俄員勘辦鐵路稟

皇朝藩屬

輿地叢書

第一集

西藏圖考

西招圖略

越史略

八卷
一卷
二卷

楚南黃沛翹手輯

西藏圖考

顧復初署檢

五
六
光緒癸卯孟夏金
匱浦氏靜庵東垣
屬上海書局印

序

西藏之地古屬吐番歷代叛服不常

聖清龍興遼瀋以班禪達賴刺麻首先歸命遂收蒙古赫業等

四大部分實爲受

命開國之基特賓禮之異於他部厥後其地爲別種所據復出師勘定之命駐藏大臣護視其眾二百餘年朝貢不絕雖未嘗隸版圖郡縣治儼然食毛踐土之民焉顧其地絕險遠惟商販茶布之徒歲一往來其裡塘巴塘察哈爾等處雖設糧臺置驛傳類皆視爲畏途未有能詳紀其山川阨塞四至八到者也惟四川通志及果親王西藏志松相國

筠西招圖略粗具綱要合之古書時有同異視遠者不詳其貌聽遠者不聞其聲不其然歟 壽苦觀察久縮軍事留心邊務乃博採眾說規方計里繪爲諸圖又搜羅藝文上風謠俗莫不畢載謂予曰雖未能準望鉤絃分寸密切然推詳頗竭心力當亦攷疆索者之一助也 復初 惟方今

聖化

洋溢北覃於俄羅斯西迄於英吉利互市者三十有六國聲教之盛振古無比海國有圖寰瀛有志而况衛藏之地接壤巴蜀猶我宇下且達於披楞印度異日馳域外之觀揚鉤深致遠之威於是乎在必將以是書爲權輿矣
光緒十有二年歲在丙戌仲冬之月長洲顧復初序

九編十有一年歲在丙辰仲冬之月且沙雁復初月

序

蓋聞巡大宛之數漢使停槎叙西域之圖隋賢削秭故知
興朝拓宇界劃斧於流沙元輔綏疆標銘碑於遐裔然或
新封都護叛服靡恒甫隸版章藩籬罔固越在貫胸窮髮
聖人蚤示無外之規緊彼鐵勒婆羅志士原從不論之例
若夫朝

天弭節世戴

王靈款土牋忱歲輸

上貢如今之西藏者部落雖歧其種風教各奠厥居葱嶺雲崢
內藩赤縣金沙霞灑表錯重洋巍乎滇蜀之鉅鍵嶄然華

夷之雄障稽

列祖撫綏之績義別羈縻揆齊民鎮服之文形侔郡縣倘其山川
里道舊籍罕詳城堞邱墟前閭渺紀何以憑墉扼塞銷遠
徼之封狼度地屯田拒長城之牧馬吾友黃子壽荅雅
儲偉抱夙握奇珍虎帳參籌曾借留侯之箸雞聲觸慨頻
加祖逖之鞭爰乃蒿目時艱游心藏典旁搜傳記摹繪圖
程靡間昕宵尤精編次窮其要害陳險隘於簡端探厥源
流辨關河於眼底奚俟伏波聚米已諳決勝之塗勿需道
子畫山預識經邊之奧撫茲鴻寶壯我

皇猷統四海爲一家萬國上

皇首編四
懷柔之頌規八荒於尺素六韜增策畧之書

光緒十二年小陽月楚北崔廷璋拜序於錦官寓舍

聖祖仁皇帝御製平定西藏碑文

昔者

太宗文皇帝之崇德七年班禪額爾德尼達賴刺麻固始汗謂東土有聖人出特遣使自人跡不至之區經讐敵之國閱數年始達盛京至今八十載同行善事俱爲施主頗極安寧後達賴刺麻之歿第巴隱匿不奏者十有六年任意妄行拉藏滅之復興其法因而允從拉藏苦苦腦兒羣眾公同之請中間策妄阿喇蒲坦妄生事端動準噶爾之眾肆行奸詐滅壞達賴刺麻并廢第五輩達賴之塔辱鱗班禪毀壞寺廟殺戮刺麻名爲興教而實滅之且欲竊據圖伯特國朕以其所爲非法爰命皇子爲大

將軍王又遣朕子孫等調撥滿洲蒙古綠旗兵各數萬歷烟瘴之地士馬安然而至賊眾三次乘夜盜營我兵奮勇擊殺賊皆喪膽遠遁一矢不發平定西藏振興法教賜今虎必爾汗冊印封爲第六輩達賴喇嘛安置禪榻撫綏圖伯特僧俗人眾各復生業於是文武臣工咸謂王師西討歷瘴癘險遠之區曾未半載輒建殊勳實從古所未有而諸蒙古部落及圖伯特酋長亦合詞奏曰皇帝勇畧神武超越往代天兵所臨邪魔掃蕩復興蒙古向所尊奉法教坎麻藏衛等部人眾咸得拔離湯火樂土安居如此盛德大業非臣下頌揚所能宣罄請賜御製碑文鐫勒招地以垂永久朕以何功焉而羣眾勤請不已爰紀斯文立

石西藏俾中外知達賴刺麻等三朝恭順之誠諸部落累世崇奉法教之意朕之此舉所以除逆撫順綏眾興教云爾

康熙五十九年

上諭大學士學士九卿等曰朕於地理從幼留心凡古今山川名號無論邊徼遐荒必詳考圖籍廣詢方言務得其正故遣使臣至崑崙西番諸處凡大江黃河黑水金沙瀾滄諸水發源之地皆目擊詳求載入輿圖今大兵得藏邊外諸番悉心歸化三藏阿里之地俱入版圖其山川名號番漢異同當於此時考證明核庶可傳信於後大概中國諸大水皆發於東南諸莫渾烏巴西大幹內外其源委可得而縷析也黃河之源出西甯外枯爾

坤山之東眾泉渙散不可勝數望之燦如列星蒙古謂之敖敦
他拉西番謂之梭羅木中華謂之星宿海是爲河源滙爲薩陵
鄂陵二澤東南行折北復東行由歸德堡積石關入蘭州岷江
之源出於黃河之西巴顏哈拉嶺七七喇哈納番名岷尼雅克
撮漢書所謂岷山在西徼外江水所出是也而禹貢導江之處
在今四川黃勝關外之乃褚山古人謂江源與河源相近禹貢
岷山導江乃引其流非源也斯言實有可據其水自黃勝關流
至灌縣分數十支至新津縣復合而爲一東南流至敘州府與
金沙江合流金沙江之源自達賴刺麻東北烏尼尹烏蘇嶺流
出烏尼尹烏蘇嶺中華謂之乳牛山也其水名穆魯斯烏蘇東

南流入喀木地又經中甸入雲南塔城關名金沙江至麗江府
又名麗江至永北府會打衝河東流經武定府入四川界至敘
州府流入岷江經夔州府入湖廣界由荊州府至武昌府與漢
江合漢江源出陝西寧羗州北嶓冢山名漾水東流至南鄭縣
爲漢水入湖廣界東南流至漢陽縣漢口合岷江此諸水在東
南諾莫渾烏巴西大幹之內源發於西番委入於中國也瀾滄
江有二源一源於喀木之格爾幾雜噶爾山名雜褚河一源於
濟魯肯他拉名敖穆綽河二水會於察木多廟之南名拉克褚
河流入雲南境爲瀾滄江南流至車里宣撫司名九龍江流入
緬國瀾滄之西爲哈喇烏蘇卽禹貢之黑水今雲南所謂潞江

也其水自達賴喇嘛東北哈拉腦兒流出東南流入喀木界又東南流入怒夷界爲怒江入雲南大塘隘更名潞江南流經永昌府潞江安撫司境入緬國潞江之西爲龍川江龍川江之源從喀木所屬春多嶺流出南流入雲南大塘隘西流爲龍川江至漢龍關入緬國此諸水在東南諾莫渾烏巴西大幹之外皆流入南海也又雲南邊境有檳榔江者其源發自阿里之岡底斯東達木朱喀巴卜山譯言馬口也一泉流出爲雅魯藏布江從南折東流經藏角地過日噶公喀爾城旁合噶爾詔模倫江又南流經公布部落地入雲南古勇州爲檳榔江出鐵壁關入緬國而岡底斯之南有山名郎干喀巴卜譯言象口也有泉流

出入馬皮木達賴又流入郎噶腦兒兩河之水西流至桑南地
岡底斯之北有山名僧格喀巴卜譯言獅子口也有泉流出西
行亦至桑南地二水合而南行又折東行至那克拉蘇穆多地
與岡底斯西馬卜家喀巴卜山所出之水會馬卜家喀巴卜者
譯言孔雀口也其水南行至那克拉蘇穆多地會東行之水東
南流至厄納忒可克國爲岡噶模倫江卽佛法所謂恒河也佛
國紀載魏法顯順恒河入南海至山東之渤海入口應卽此水
矣梵書言四大水出於阿耨達山下有阿耨達池以今考之意
卽岡底斯是唐古特稱岡底斯者猶云眾山水之根與釋典之
言相合岡底斯之前有二湖連接土人相傳爲西王母瑤池意

卽阿耨達池又梵書言普陀山有三一在厄納忒可克之正南海中山上有石天宮觀自在菩薩遊舍是云眞普陀一在浙江之定海縣海中爲善財第二十八參觀音菩薩說法處一在土伯特今番名布塔拉山也亦謂觀音見身之地釋氏之書本自西域故於彼地山川亦可引以爲據也禹貢導黑水至於三危舊註以三危爲山名而不能知其所在朕今始考其實三危者猶中國之三省也打箭鑪西南達賴刺麻所屬爲危地拉里城東南爲喀木地班禪額爾德尼所屬爲藏地合三地爲三危耳哈拉烏蘇由其地入海故曰導黑水至於三危入於南海也至於諸番民號雖與史傳不同而亦有可據者今之士伯特卽唐

之突厥唐太宗時以公主下降公主供佛像於廟今番人名招
招者譯言如來也其地猶有唐時中國載去佛像明成化中烏
斯藏大寶法王來朝辭歸時以半駕鹵簿送之遣內監護行內
監至四川邊境卽不能前進而返留其儀仗於佛廟至今往來
之人多有見之此載於明實錄者爾等將山川地名詳細考明
具奏

御製十全記

乾隆五十七年

夫記者志也虞書朕志先定乃在心周禮春官掌邦國之志乃
在事旅葵志以道寧則兼心與事而言之然總不出夫道得其
道乃能合於

天以冀承乎

貺則予之十全武功庶幾有契于斯而可志以記之乎十功者平
準噶爾爲二定回部爲一掃金川爲二靖臺灣爲一降緬甸安
南各一卽今二次受廓爾喀降合爲十其內地之三叛么磨弗
屑數也前已酉廓爾喀之降蓋因彼擾藏邊界發偏師以問罪
而所遣鄂輝等未宣我武巴忠乃遷就完事致彼弗懼而去歲
復來以致大掠後藏飽欲而歸是以罪庸臣選名將勵眾軍籌
儲餉福康安等深感朕恩弗辭勞苦於去歲冬月卽率索倫四
川降番等精兵次第由西甯冒雪而進今歲五月遂臨賊境收
復藏邊攻克賊疆履線險如平地渡溜要若蹄涔繞上襲下埋

復藏漢史克貝勒原籍附女

根批吭手足胼胝有所弗恤七戰七勝賊人喪膽及兵臨陽布
賊遂屢遣頭人匍匐乞降將軍所檄事件無不謹從而獨不敢
身詣軍營蓋彼去歲曾誘藏之噶布倫丹津班珠爾等前去故
不敢出也我武旣揚必期掃穴犁庭不遺一介亦非所以體一
上天好生之意即使盡得其地而西藏邊外又數千里之遙所謂
不可耕而守者亦將付之他人乃降旨允降班師以藏斯事昔
唐太宗策頡利曰示之必克其和乃固廓爾喀非頡利之比番
邊殊長安之近彼且乞命籲恩准之不暇又安敢言和乎然今
日之宣兵威使賊固意求降歸順實與唐太宗之論有所符合
昔予記土爾扈特之事於歸降歸順已悉言之若今廓爾喀之

謝罪乞命歸降歸順蓋並有焉以其悔過誠而獻地切也迺知
守中國者不可徒言偃武修文以自示弱也彼偃武修文之不
已必致棄其故有而不能守是亦不可不知耳知進知退易有
明言予實服膺弗敢忘而每於用武之際更切深思定於志以
合乎道幸而五十七年之間十全武功豈非

天貺然

天貺逾深予懼益切不敢言感惟恐難承兢兢惶惶以俟

天眷爲歸政全人夫復何言

御製普陀宗乘之廟瞻禮紀事碑

在布達拉山下東北隅色拉寺山門外廊下東壁上

大聖人首出御世王道禪修非二致外藩萬部所歸心振興黃

教次

教欽

睿智仿建招提北山崖膜拜環瞻悅遠懷抒誠愛戴奕禩暨

高皇聲教恢無涯

普陀宗乘之廟建於山莊行宮之北仿西藏布達喇都綱法式也考之貝奕梵語曰布達

喇華言曰普陀蓋普陀有三一居額納特珂克即印度一居圖

伯特郎西藏一居津東之南海而西來因緣則始自印度而西

藏而南海南海特大士行教示現之所印度已遠不可稽惟西

藏都綱法式具備相傳創建以來已閱千餘歲相好常新佛祖

居印度時嘗授記云我教後將流傳東土蓋西藏尚居印度之

東正與我佛示現因緣相合則西藏之普陀故爲最勝是以山

莊所建特現其制經始於乾隆三十二年至乾隆三十六年告

成廣殿重臺窮亭翼廡金輪寶鐸香樹法幢洵佛國之化城人

間之福地也湖自我朝開國以來振興黃教撫輯外藩至

我皇考德威遐布聲教覃敷舊部新藩輸誠同化每

當翠華臨蒞山莊迎鑿瞻觀豹尾扈隨若遇正

壽誕辰戴助國慶則祝釐表賀各藩部梯麻借

至鱗集尤眾亦俾得瞻拜震旦琳宮莊嚴具足莫不歡喜頂禮

合十皈依其信心迴向之誠真稱得未曾有而欽仰敬服咸頌

我大聖人總持調御溥暢宗風成此天人攝受之
規爲三乘迦持之統會勝因善果龍天護佑將垂示無窮不可
思議

轉世相沿多詭譎除弊

特命金瓶掣決疑定眾順其情鴻文魏煥喇嘛說

佛法始自天竺即印度東

流而至西番即唐古特其番僧相傳稱爲喇嘛我
習其語深通其法譯二字之意謂即漢語稱僧爲上人耳喇嘛
示寂後轉生爲呼必勒罕即漢語謂轉世化生人也當呼必勒
罕未出之前彼教於佛前誦經祈禱廣爲訪覓各指近似之幼
孩於佛前拉穆吹忠擇一聰慧有福相者定爲呼必勒罕幼而
習之長成乃稱呼土克圖傳襲其號以掌彼教我朝撫有方夏
遐邇歸心因眾蒙古崇奉喇嘛最信黃教因而加以保護用示
懷柔俾之遵守舊規遞演其傳乃行之既久遂有影射牟利者
從中舞弊任意妄指呼必勒罕居爲奇貨以致轉生之人率出
一族竟與世襲爵祿無異而信奉其教之人亦生疑慮我
皇考於平定廓爾喀審輯藏地後曾製喇嘛說詳敘黃教
源委與我朝所以振興之故並克臻外漏亂之由將彼教壞法

之人置之重辟因

思息紛定眾之道必須過其弊端特

命製金奔巴瓶

送往藏中供奉如有大喇嘛出呼必勒罕之事仍隨其俗令拉穆吹忠四人降神誦經將各行指出呼必勒

罕之名書籤貯於所供金瓶對眾念經合達賴喇嘛或班禪額

爾德尼同駐藏大臣公同籤掣一人定爲呼必勒罕又各蒙古

之大呼必勒罕亦令如所定之例將所報呼必勒罕貯於雍和

宮所供金瓶內理藩院堂會同掌印札薩克大喇嘛等公掣

我皇考聖謨廣運雖遐方殊俗亦必籌其經久安全

正合王制所謂修其教不易其俗齊其政不宗喀巴派二徒傳

易其宜治法昭垂允宜遵守毋忽者也

一曰達賴一班禪達賴示寂已數載今春顯應西藏邊生甫四

齡性敏悟昔年衣鉢識無誤乃知眞者幻難欺不住色相心常

住黃教之興西番高僧帕克巴始盛於元至宗喀巴爲黃教之

祖有二大弟子曰達賴喇嘛曰班禪喇嘛達賴喇嘛位居首

其名根敦珠巴次卽班禪喇嘛其名曰凱珠布格塔克巴勒藏

與達賴喇嘛遞相爲師以化身世掌黃教自根敦珠巴五轉世

而至阿旺羅卜藏嘉木磋我朝太宗文皇帝崇德七年達

賴喇嘛差人恭詣盛京呈遞丹書克及方物以後承受

聖恩施又一再傳其八輩達賴喇嘛於嘉慶九年示寂已閱數載其呼必勒罕尚未出世曾合濟噶呼土克圖及堪布喇嘛等於佛前誦經虔誠祈禱以期早徵靈應本年正月據駐藏大臣玉甯等奏稱藏內各處具報幼孩九人經濟噶呼土克圖駁去六人祇餘三人內惟西藏甸麻地方居住之春科土司丹怎吹忠之子於乙丑十二月朔日降生迄今年甫四齡聰慧異常早能持誦經咒自知前身係五輩達賴喇嘛試以前輩喇嘛所用鈴杵等物均能辨識大眾無不傾心信奉而後藏班禪額爾德尼聞知卽親至前藏睹諸殊異同深歡喜並經玉甯等詳加察驗信而有徵蓋化身雖幻而真性常存似此靈異顯然不特化外波旬無由僞託去來因果了了不在天恩暉照遐方示現迷益徵此心常住有超乎色相之外者

佛子大吉祥不疑何卜遂降勅季秋諏吉命坐牀特簡藩王頒

厚賜衛藏億兆歡動地敬承我考綏遠猷爰作長言紀其

事抑邪趨皇考頌發金奔巴瓶之聖意原以維持正教遏

之所能悉今丹怎吹忠之子聰明穎異其徵應如此大眾之歡欣敬信又如此設當我皇考時遇有此奏必立時加恩無

須於金瓶籤掣蓋不疑何卜前志可稽因卽降旨令其作爲達
賴喇嘛呼必勒罕著班禪額爾德尼等恭詣 高宗純皇帝
聖容前虔誠誦經奏 聞用昭 恩既並特賜達賴喇嘛
呼必勒罕哈達一個無量壽佛一尊鈴杵一分璣珠記念碧霞
弘念珠一掛令成都將軍特清額賞赴西藏頒發旋據玉甯等
奏報達賴喇嘛呼必勒罕於九月二十二日坐牀因特派御前
行走喀喇沁親王品級都楞郡王多羅額駙滿珠巴咱爾同御
前侍衛副都統今授工部侍郎慶惠乾清門侍衛副都統隆福
鳴勒丹錫勒圖呼圖克圖赴藏看視坐牀頒賜勅書賞件並銀
一萬兩以示優眷敬思我 皇考綏遠鴻猷爲萬世法前此
金奔巴瓶之 賜實慮彼教中有假托者藉以去僞存真茲
既眞者現前則一切杜弊之法原可不設卽此權衡措置心心
相印 默鑑同符實理之必然者然事期可久法不厭詳此
後設遇呼必勒罕出世未必能如此次之靈驗無疑仍當恪守
前規書名籤掣方可以絕詐妄而泯覬覦爰詳紀此事始
末以見吉祥示現爲世間僅有之奇故不拘常行之例是法非
法孰一孰二卽以 嘉慶十三年立
長言爲說偈可耳

嘉慶十三年立

西藏圖考例言

五則

一是集引據出自

皇朝一統志寰宇記四夷攷新舊唐書吐蕃傳明史西域
烏斯藏傳及四川通志內西域志果親王西藏誌松
筠西招圖略酈道元水經注齊召南水道提綱顧炎
武方輿紀要七十一西域聞見錄盛繩祖衛藏圖識
杜昌丁藏行紀程余慶遠維西見聞記魏源

聖武記海國圖志等書分類編輯述而不作篇內未列各
種書名省文也間有採自近作者附錄卷尾以示區
別此外無名氏西域紀事西涉便覽諸書概勿敢錄

西苑圖考卷之四
宸章尊
一卷首謹載

宸章尊
王之義也次藏圖次程站次山川城池等彙考有未盡者復分天地人物四門以補之又次藝文而附之以外夷攷終焉

一修邊徼書莫要於圖而莫難於圖西藏文字不同非若修省志者有縣府底稿之可採茲勉強繪成總圖一幅沿邊圖一幅皆計里開方發從前所未備次將西招原圖及乍丫圖照臨附梓皆繫之以說雖不敢曰毫髮無爽亦庶免扣槃捫燭之譏云

一編輯始於乙酉秋八月成於丙戌夏五月匯羣書而互證集眾說以從同得卷凡八始意藏諸行笥將隨時考正以期不爽毫釐也而李華廷軍門亟亟捐貲付梓既不獲辭遂以灾梨棗繪圖者四川韓大令銑司讐校者吾楚李大令宏年河間李大令文江諸人皆提幕也

一是集不曰藏識而曰藏考其義有二一選稽載籍拾前人之唾餘一粗具規模爲後來之嚆矢有既考而可憑者有待考而未定者蓋西藏未見大部專集而沛翹又遠在草莽不獲睹

天府圖書是以譏陋若此

海內君子有見聞較確考核較詳者尙希郵寄教言
藉匡不逮當謹刊續集統俟異日修藏志者之採擇
焉感甚盼甚

光緒十有二年孟秋月穀旦黃沛翹識於錦城寓廬

西藏圖考卷之一

楚南黃沛翹壽菩甫手輯

滇南李培榮華廷甫付梓

河間李文江蓉航
楚南陳兼善元卿甫同校

藏圖小引

自河圖洛書出而文字始興故凡著書者圖居其首而山川險易道里遠近非圖不明尤爲行軍者所必需

沛翹於

同治年間忝綜黔省營務時提黔者爲周渭臣軍門其選將練兵不過偶參末議惟當調度之際恒一一周諮於余蓋黔省輿圖余早知其大概又於各營稟牘內按其山川

道里與文案周馨之大令悉心考校胥得其詳故旌旂所向靡不克捷甫三載而全黔平乃益知輿圖之關係匪輕也謹按

內府西藏全圖外間未見臨本惟松文清公圖畧與盛氏繩祖圖識刊行於蜀松圖最明確而方向倒置盛圖則模糊不可辨識此余所以不揣譎陋慨然作伏波聚米之謀也當代偉人能於輶軒之便博訪情形與

內府藏圖互證而詳繪之是則瓣香所常蕪者已

西藏圖考全集目錄

卷之首

宸章

序

例言

卷之一

西藏全圖

小引說

沿邊圖

說

西招原圖

說

乍丫圖

說

卷之二

西藏源流考

續審隘篇

內地程站考

卷之三

西藏程站考

詩附

卷之四

諸路程站附考

卷之五

城池津梁關隘塘鋪山川公署寺廟古蹟土產彙考
名山大川詳考

卷之六

藏事續考

卷之七

藝文考

上

附奏議

卷之八

藝文考

下

外夷附考

西藏全圖

四川界東

十九度

十


二十

二十二

二十三

二十四

青河界



雲南界

十八度

十九度

二十

二十一

二十二

二十三

二十四

嘉陵江

岷江

雅州

成都

丹邊

雅安

康定

西昌

二



郭爾
三十二
界河



考二百里

西

三十九

四十四度

四十二

四十二

西藏
布達拉
山南
西布魯特

拉薩
措拉
措拉
措拉

雅魯藏布江
大

拉薩河

雅魯藏布江

山

山南

四十二

四十三

四十一

四十

西藏
山南
四十四度

三十九

西藏

右三藏全圖每方二百里界限用單線度數用斜線河道用雙線地名用單圈程站用密點乃韓大令銑謹遵

皇朝

中外一統輿圖臨摹節取而復證之以各種藏圖暨水經

注水道提綱悉心鉤稽按方排比數易稿而始成者也東起甯靜山界碑西訖於阿里之極邊南自貉獠布魯克巴交界起北越草地抵滕格里山幅員遼闊四至朗然其尤詳者東西數千里中塘站之遠近道路之迂直山水之縱橫燦若列眉瞭如指掌生平所見藏圖未有以方里計者此殆其權輿耳夫坐一室而談九州誠不免爲識者所訕笑矧西藏漢番各別文字不同荒確之區人跡罕到舉全


疆而登片紙欲免訛舛實難顧必孜孜爲此者竊謂規模粗具聊勝於無卽有不符留俟將來之校正蓋昔之衛藏祇滇蜀之藩籬今則西南攘印緬西北禦俄羅斯正北又爲新疆之後障坤維大局斯其咽喉未雨之謀履霜之戒其可忽耶然則是圖也匪惟攷古者所必需抑亦籌邊者所宜亟講也已

又圖內地名有與集中互異者卽集中地名人名亦有前後互異者地名如類伍齊亦作類烏齊碩般多亦作說板多喇薩亦作拉撒人名如打克渣亦作達格咱阿喇蒲坦亦作阿拉布坦車零敦多布亦作策陵董多布之類不可

枚舉蓋因漢番言殊翻譯字異但照原書鈔寫不必盡求其同亦猶身毒天竺皆印度之轉音禿髮吐蕃卽突厥之一種閱者融會以觀可耳

光緒十有二年歲次丙戌重陽後三日黃沛翹識於錦城

西藏沿邊圖





東

南

右西藏沿邊圖亦韓大令所繪每方計四百里名曰沿邊
故略於中而詳於外區區尺幅縱橫數萬里而遙雖山河
道里不能縷載而疆索形勢大致如斯至各部之沿革與
夫風土人情詳外夷附考茲不重述

懇識

西招原圖

一圖



西 後土畝方向同

北

南

木拉轟

噶瓦卡

帕加嶺

致伯

東

撒喜

海錯木那


罕塘拉山

瓊噶
尔寺



圖二





圖三





四圖

山拉烏森

三鐵路

察達

隆達

吉拉山

楚爾

札什

定日

木

迪拉

洋阿

單塘拉

海拉錯

客瑪

吧羅

果瓊

珠楚河

霍爾

湯谷

桑薩

果

夜達克

札布

浪口

列克






車亥年
廓尔喀通回經此
凍斃千餘人

五圖



紇通
廓不塞

此水統歸
藏西大河



圖六



薩迦廟

拉薩

利山

嘉馬



七關 宗木小 部落



布落

十

金吾尔

湖台

噶哩噶道

西洋部落

東甲噶尔
明河川

布魯克巴

巴汝

哩克帕

庫木錯海

尔瑪康

珠瑪拉火雪山

錯納

布達克

江收汎

王布



八國



西藏圖考卷之二

三



圖九





達克旺

十圖

腐高嶺

達旺

錯納

前藏



哈喇烏蘇
番族游牧

工布

順達

山灣

卓拉大山

阿咱

子海

常

里拉
松多

瓦設

凝

大山
拉里汎

密迪卡



西藏圖考卷之二 西招原圖

圖十一



巴囊噶

博容

齊瓦大山

中野

嘉喇海

哩瓊多

碧貝山

隆曲
宗隆曲
隆曲

嘉裕礦

納魯族

高爾

巴達蘇木多尔

色不札什

色不札族

此道北
蘇當等
族隸西

麻利山

瓦合塘

恩連

噶魯族

下多
舒族

瓦合山

瓦合海

牛糞溝

貢拉

浪蕩溝

賴烏齊

上多
舒族

察木

我澤橋

圖十二

桑昂
曲宗

拉布阿

察瓦阿

江干

噶尔

貢巴

阿尼

宗嘉洛

噶普

察隆山

昂地沉

山墩色

俄倫多

雨撒

布例

乍丫沉

察木
多沉

觀角

游牧

草地

山哈甲

喜嘉木堂

熱

格尔德



練處松

義宗

南雲通南

沒靜

墩南

石板溝

金沙江

樹古

阿拉

巴塘汎

里莽

柳

頂子空

普拉

江汎

黎樹

牛谷渡

公拉

龍巴竹

嘉松吉美山

三昂

格爾德

西招原圖

三

右松文清公西招原圖吾楚李大令宏年所臨摹也原本並爐裡巴三臺及廓部交界共圖十有五茲專取現在藏地所轄西起濟隴聶拉木東訖於巴塘之甯靜山界碑計圖十有二圖說散見於程站註內故不贅錄文清公取懷柔之義左東右西取拱極之義上南下北方向與古法異人頗惜之然其形勢之熟悉險要之詳明棋布星羅燦然大備自來西藏專圖無有逾於此者

沛翹

初欲翻正摹繪

因恐貽誤未敢妄更謹照原撫刊俾我公當日巡歷之勲勤昭昭若揭云

沛翹謹識

自
了
地
圖

西藏圖考卷之一

江干至藏大直下
Y左貢兩路地形
及下Y地勢圖說

德爾格特

德爾格特
德爾格特

德爾格特

三岩野谷

東

唐古忒

唐古忒

唐古忒

而場

山靜草

四川界
雲南界
西藏界



昂地
南撒
察瓦同
界南

管
所地

洛家宗

唐古忒

札喜

鍾手喜

龍行

占

唐古忒

溜簡江

極高

三

右圖雙線圈地卽乍丫總轄雙線內單線圈乃現在二胡
圖四倉儲巴之地單線圈外則大胡圖一倉儲巴及小頭
人地也乍丫東南界外皆唐古特地屬江卡管西南界外
乃唐古特左貢大營官之地駐藏大臣及達賴刺麻管轄
西北界外爲察木多胡圖之地正北東北界外爲德爾格
特土司之地乃阜和協及駐藏大臣所轄東南一角界外
則三巖野番地也東西不及五百里南北不及四百里所
謂大道六站者阿足洛家宗乍丫昂地王卡巴貢共六站
其兩撒噶噶皆只半站亦稱八站又左貢一道係茶客往
來之道較乍丫更爲近便

道光二十七年攝成綿道篆王
師道記。圖爲姚石甫所繪

西藏圖考卷之二

楚南黃浦翹壽菩甫手輯

滇南李培榮華廷甫付梓

楚南李宏年壽廷甫同校
河間李文江蓉航

西藏源流考

衛藏圖識有源流考甚畧是篇白
諸書纂輯而成猶未敢云詳確也

西藏古爲西南徼外諸羌戎地其先爲伯夷甫炎帝之裔也舜徙三苗於三危三危者爲喀木爲危爲藏喀木亦曰康卽今打箭鑪裡塘巴塘察木多之地危亦曰衛卽布達拉亦名拉撒詔今稱前藏藏卽札什倫布本拉藏汗所治今稱後藏禹貢西戎卽敘卽松茂威保及衛藏諸羌是也

秦時有羌無弋爰劍者

一作無戈爰劍羌人謂奴爲無戈爰劍其名也被秦執以爲奴隸故

稱無戈爰劍

爲秦虜後得亡歸至曾孫忍時秦兵臨渭首滅狄

獯戎忍之季父邛畏秦威將其種人附落南出賜支河西

數千里賜支者禹貢所謂析支也其後子孫支分各自爲

種凡百五十種發羌唐旄等名號不可殫記至吐蕃始祖

鶻提勃罕野本發羌屬居析支水西以禿髮爲國號語訛

謂之吐蕃稍并諸羌土宇漸廣然猶未通中國

威州通志發羌唐旄

等居析支水西本南涼禿髮利鹿孤之後也利鹿孤有子日樊尼初利鹿孤卒樊尼尙幼弟儁檀嗣位以樊尼爲安西將軍後魏神瑞元年儁檀爲西秦乞佛熾盤所滅樊尼乃招集餘眾投沮渠蒙遜以爲臨松太守及蒙遜滅樊尼乃率眾西奔濟黃河踰積石居跋布川或遷娑川於羌中建國開地千里樊尼威惠夙著羣羌歸之如市遂改姓爲勃

率野以禿髮爲國號謂之吐蕃其國都城號爲邏些城附參唐初吐蕃贊普贊丈夫

爲東隸弄讚建牙於跋布川跋布川疑卽今之雅魯藏布

居喇薩之地卽唐時吐蕃建牙之所有古碑可其國都號

證以唐書考之亦當在今前藏布達拉之地也爲邏些城邏些於唐古特語爲喇薩王爲贊普相爲大論

小論以統理國事於貞觀八年遣使朝貢太宗遣行人馮

德遐往撫慰之是爲西藏通中國之始繼遣使隨德遐入

朝奉表求婚太宗未之許使者返言大國許嫁公主會吐

谷渾王入朝吐谷渾鮮卑種也去青海二十五里古析支之地離間遂不許弄讚

遂發兵擊吐谷渾破黨項白蘭諸羌進頓松州西境邊人

大擾太宗遣侯君集牛進達等率步騎五萬擊之進達先

鋒自松州夜襲其營斬首千餘級弄讚大懼遣使謝罪復請婚太宗以宗女文成公主妻之自是始終恭順及棄隸縮贊立復請婚中宗以所養雍王女金城公主妻之至睿宗時請河西九曲之地爲金城公主湯沐所乃與唐境接近自是連年犯邊開元十七年遣使往視金城公主贊普欣然請和令其臣入朝上表並爲公主請毛詩禮記左傳文選各一部制令秘書省寫與之後以崔希逸襲破吐蕃於青海復絕貢犯邊乾元時乘唐隙盡有西域肅宗朝吐蕃遣使請盟郭子儀令於鴻臚寺插血以申蕃戎之禮廣德元年因降將高庭暉入長安立廣武王爲帝旋爲郭子

儀設疑兵遁去德宗朝再約和好盟於清水貞元三年以
渾瑊充會盟使盟於平涼川吐蕃渝盟五年劍南節度使
韋皋遣將大破吐蕃殺其大兵馬使乞藏遮遮八年九年
連破吐蕃獲其大將贊熱十八年九道竝進拔七城遂圍
維州擒大首領莽熱獻俘於朝御製紀功碑褒之順宗永
貞十四年勅放蕃使論矩立藏等穆宗元年吐蕃遣使請
盟許之以劉元鼎充會盟使盟於長安二年四月元鼎奉
勅至吐蕃牙帳五月六日會盟訖迨唐末而種族分散無
復統一宋時亦號吐蕃修朝貢元憲宗始於河州置吐蕃
宣慰司都元帥府又於四川徼外置碉門魚通雅黎長河

西甯等處宣撫司世祖時復置烏斯藏郡縣其地以吐蕃僧帕克斯巴爲大寶法王帝師領之嗣者數世明太祖懲唐世吐蕃之亂思制御之惟因其俗尙用僧徒化導爲善故洪武六年以攝帝師納木嘉勒藏博爲熾盛佛寶國師給玉印置烏斯藏朵甘二指揮司及招討司萬戶府千戶所以元國公納木喀斯丹拜嘉勒藏等領之永樂中復封番僧爲大寶法王大乘法王大慈法王闡教王闡化王輔教王贊善王護教王凡八王並給印誥或間歲來朝其地皆倚中國之茶爲命而當時入貢者又優以茶布諸番戀貢市之利且欲保世官故終明之世未嘗爲患此歷朝藏

貢市之利且欲保世官故終明之世未嘗爲患此恩朝病
事大畧也

國朝崇德七年西藏達賴班禪及藏巴汗青海固始汗各遣
使繞塞外數萬里達

盛京奉書及方物並獻卦驗知必當一統明年遣使存問達
賴班禪稱爲金剛大士是爲我

朝通西藏之始順治九年達賴來朝

世祖章皇帝賓之於太和殿建西黃寺居之及行餞之於南苑德
壽寺授金册印封西天大善自在佛領天下釋教普通瓦
赤喇怛喇達賴刺麻令和碩親王碩塞以八旗兵送之其
後遣使貢獻不絕西俗最尊者惟達賴刺麻班禪額爾德

尼又有汗則蒙古部長爲之其代達賴刺麻理事者曰第
巴康熙三十一年達賴入貢言己年邁國事決第巴桑結
乞錫之封爵

詔封第巴桑結爲土伯特國王賜金印達賴示寂桑結匿不以聞
潛與準噶爾噶爾丹相爲表裏及召刺麻班禪胡圖克圖
來京桑結又阻之不至四十四年拉藏汗誅桑結

聖祖嘉之封拉藏輔教恭順汗賜金印遣侍郎赫壽等安撫其地
又因拉藏汗所請阿王伊西爲眞達賴刺麻其後準噶爾
策妄阿喇蒲坦遣大台吉策零敦多布及宰桑吹音匹兒
率精兵六千繞戈壁逾和闐大雪山由騰格里海北岸大

山冒險突入藏中無備皮布蓬立設立戍于

特命皇

山冒險突入藏中無備破布達拉殺拉藏汗焚毀寺廟迫逐僧眾時達賴刺麻移居西甯塔兒寺五十七年

十四子爲撫遠大將軍屯兵於青海之木魯烏蘇

木魯烏蘇卽木

魯河華言通天河乃西甯西藏之界

居中調度將軍傅爾丹富甯安分出巴

里坤阿爾台以獵其北而將軍噶爾弼出四川將軍延信出青海兩路搗藏是時蒙古汗王貝勒台吉各自率所部兵或數千或數百於五十九年春隨大兵護送西甯塔兒寺真達賴刺麻入藏軍容甚盛策零敦多布由中路自拒青海軍而分遣其宰桑以兵三千六百拒南路南路將軍噶爾弼招撫裏塘巴塘番眾進至察木多奪洛隆宗三巴

橋之險旋奉大將軍檄俟期並進噶爾弼恐師久糧匱用副將岳鍾琪以番攻番之計卽招土司爲前驅適副都統伍格帶江浙滿兵偕雲南總兵官趙坤等官兵由中甸一路而來遂統率以進克拉里取墨竹工卡集皮船渡噶爾招穆倫口降番兵七千扼要塞險斷賊饗道分三隊直取西藏而青海軍亦由苦腦兒進勦三敗其中途劫營之賊於薄克河於嫩果兒於楚馬拉等處俘斬千計直抵藏地大軍會合賊台吉策零及其宰桑先後棄師遁衆大潰由雪山舊路北竄崎嶇凍餒得還伊犁者不及半達賴刺麻於是年九月十五日登座西藏平留蒙古兵二千戍之以

拉藏舊臣貝子康濟鼐掌前藏台吉頗羅鼐掌後藏

御製平定西藏碑文勒石大招寺振旅而還此康熙五十九年事也雍正初撤回官兵以貝子康濟鼐總理其地五年噶布倫阿爾布巴等叛殺康濟鼐後藏台吉頗羅鼐走避次年命左都御史查朗阿爲正帥率滿漢官兵八千餘員名由西甯出口散秩大臣周英等率川兵四千餘騎由霍耳雲南總兵官南天祥等率滇兵三千名由昌都三路進討未至而頗羅鼐率後藏及阿里兵九千截賊去路擒首逆經查朗阿等審實磔之藏地復安七年

詔封頗羅鼐爲貝子總藏事留大臣正副二人領川陝兵二千分

駐前後藏鎮撫之是爲大臣駐藏之始乾隆三年噶爾丹

策楞

策妄死子策楞立

請入藏熬茶許之時貝子頗羅鼐懲前敗

訓練萬騎又練步兵萬有五千於通準夷各路嚴設卡倫噶爾丹自是不敢窺藏

晉封頗羅鼐郡王十二年以其次子珠爾墨特襲封十五年以罪

誅始不封汗王貝子設四噶布倫分其權而總於達賴刺麻以全藏地與之增駐藏大臣兵千有五百二十二年蕩平伊犁藏地始永無準夷患廓爾喀者本巴勒布國舊分葉楞部布顏部庫庫木部後又兼并哲孟雄作木朗洛敏湯諸部落吞并爲一遂與後藏以交易滋事由後藏行二

十驛至濟隴之鐵索橋爲藏地極邊踰橋而西則廓爾喀
自古不通中國於乾隆五十五年内犯西藏侍衛巴忠將
軍鄂輝成德等調停賄和未交一兵而糜餉百萬次年廓
夷再舉深入後藏札什倫布西南左有曲多江鞏右有彭
錯嶺峭壁連岡咽喉天險賊步卒數千自聶拉木入其時
番漢官兵若分兩路一扼曲多江鞏遏其前一繞赴彭錯
嶺截其後則廓夷深入無援可不戰潰也駐藏大臣保泰
奏請移達賴於西甯移班禪於前藏欲以藏地委賊而仲巴
呼圖克圖先遁刺麻濟仲札蒼等復託言卜諸吉祥天母
不宜戰眾心遂潰賊大掠札什倫布全藏大震時鄂輝爲

四川總督成德爲四川將軍擁兵四千赴勦按程緩進

上知二人不足恃乃命嘉勇公福康安爲將軍超勇公海蘭察參

贊調索倫滿兵及金川屯練土兵進討明年二月將軍參贊由青海至後藏閏四月索倫兵二千土屯兵五千並藏內官兵三千至此五月連敗其屯界之賊盡復藏地六月初大舉案入遣領隊大臣岱森保總兵諸神保等各出左右一路以分賊勢而大軍出中路海蘭察將三隊爲前軍福康安將二隊繼之大破賊於距濟隴八十里之鐵索橋入廓夷界追勦百六十里至協布魯又百數十里至東覺嶺六月九日至雍雅山廓夷震懾乞降不許復三路進攻

嶺六月九日至雍雅山廓夷震懼乞降不許復二日
六戰六捷殺賊四千涉賊境七百餘里將近其國都廓酋
再遣人詣軍前哀詞乞降時已八月恐過後大雪封山難
返乃允之盡獻還所掠藏中財寶貢馴象番馬樂工請永
遵約束班師留番兵三千漢蒙古兵一千戍藏自是二大
臣儀注行事始與達賴班禪平等事權歸一此乾隆五十
七年事也後藏至廓爾喀有定結大道必繞布魯克巴等
部迂道月餘故我師由濟隴近路入左壁右滿不容一騎
將軍參贊亦時步進故所貢象遠大路次年春始至前藏
自大創以後至今貢獻不絕西藏始永無廓夷患初藏中
皆習元帝師帕思巴所傳之紅教明時有宗喀巴者幼而

神異精通佛法修苦行著穆隆經初出家亦學經於紅教
薩迦廟之呼圖克圖既成爲番眾所敬相傳其受戒時染
僧帽諸色不成惟黃色立就故名黃教衣冠皆黃色盛行
於衛藏及極西諸部落宗喀巴示寂遺囑二弟子世世以
呼畢勒罕轉生演大乘教呼畢勒罕者華言化身也二弟
子一曰達賴刺麻一曰班禪額爾德尼刺麻者華言無上
也額爾德尼者華言光顯也相傳達賴爲觀音分體之光
班禪爲金剛化身第二世達賴名根敦嘉木磋者於明正
統時始以活佛聞於中國第三世達賴名鎮南嘉木磋教
益盛紅教中大寶大乘諸法王皆俯首稱弟子化行諸部

東西數萬里熬茶膜拜視若天神諸番王徒擁虛位不復能施其號令是爲刺麻極盛之時相傳達賴刺麻每於圓寂時先示人以降生之處其弟子大堪布往訪得之小兒相見卽能相識或出一二語乃臨圓寂時事大著靈異嗣達賴六世班禪七輩後不復再來故登座者無復真觀密諦祇憑垂仲降神指示垂仲者猶內地之師巫也又達賴班禪親族多營爲大呼圖克圖以專財利屢致盜禍

高宗久

悉其弊乘用兵之後特運神斷創頒金奔巴瓶一供於前藏之大招寺遇有呼畢勒罕轉生互報差異者納籤瓶中誦經降神大臣會同達賴班禪於宗喀巴前掣之惟嘉慶

十三年第九世達賴靈徵眾著由駐藏大臣奏聞請

旨不復瓶掣是為破格達賴刺麻之下有二呼圖克圖一為

濟隆一為第穆皆以所轄地名稱之又有二那門汗次於

呼圖克圖其管理寺院講習經典之僧官皆名堪布最大

者曰總堪布次曰通巴堪布達爾罕堪布有札薩克三人

乃濟隆第穆兩呼圖克圖及兩那門汗理事之大僧官也

其統理兵刑者曰噶布倫一作噶隆其主庫之僧官曰商

卓特巴曰仔琿凡稱琿者亦作細凡噶布隆商卓特巴仔

琿有缺由駐藏大臣會同達賴刺麻選擬正陪二人請

旨補用餘皆會同揀放西藏綠營官兵六百二十一員名拉

里一百二十八員名察木多三百三十三員名先是額設步騎六萬四千步兵居五萬騎兵前藏三千後藏二千阿里五千稞壩千黑帳番蒙古共三千皆散在民間無常餉乾隆年改定有常餉兵如上數外江孜定日各設一守備不能多設戍兵僅備彈壓而已全藏所轄六十八城喀木九前藏三十後藏十八阿里十二所謂城者則官舍民居塹山建碣之謂量地大小人眾寡各設宗布木以理民設丁布木以理兵民居碣房其游牧之番及蒙古則居黑帳達賴刺麻所轄寺廟三千百有五十餘所班禪所轄寺廟三百二十七所

據乾隆二年
理藩院造冊

藏地萬峰插天高輒氷凌窪

輒燠溽十里殊裘葛惟布達拉一區四山環衛如城無巖寒無酷暑其土膏衍其人秀好其音華夏故吐蕃贊普都之以鞭撻四夷抗衡上國而宗喀巴卓錫後數萬里蒙古額魯特喀爾喀奔走其號令若驅攝於靈奇磅礴之中者至今飛閣流丹梵唄徹山谷爲西方極盛之區而班禪所居札什倫布次之每遇節期達賴升座講甘珠爾經丹珠爾經圍聽跪拜千計其大刺麻學道能轉世者達賴班禪印證之得爲胡圖克圖分掌教化其刑有番律四十一條甚酷其山則以阿里迤西三百餘里之岡底斯山爲天下大幹宗祖岡底斯者蔥嶺之南幹除北條黃河之內而外

大幹宗祖岡底斯者蔥嶺之南卓陰才似黃河之口而

凡南條之水若大小金沙江

大小金沙江即雅魯藏布江下游小金沙江係流至敘府合

岷江若怒江若瀾滄江無一不源於西藏者其水則以雅

魯藏布江爲正流橫亘於三藏之南諸水左右注之下游

爲大金沙江由緬甸入南海

源出岡底斯山東南三百餘里之達木緯克哈巴布山山

西北爲狼干喀巴布山即岡噶江之源岡噶江繞阿里界下游爲恒河經厄訥特克國會諸水入南海佛書所稱恆河卽此水也又拉里以東之怒江瀾滄江故說禹貢者以皆發源衛地各趨南海不入雅魯藏布江

大金沙江爲黑水焉其邊界東南有貉獠野人

在怒江以南第論前

藏則貉獠爲正南以全藏形勢言之則爲東南

正南有東西布魯克巴二部

長一千餘

里廣五六百里

有哲孟雄

幅員百里介於廓爾喀布魯克巴之間其北境有白木戎作木

地和暖產五穀

明諸小部毘連後藏

見前其入藏四隘口

其南界爲獨吉嶺

西南有廓爾喀

爲喀達爲絨轄爲

拉木爲

正西爲蔥嶺大山

山以西如霍罕布哈爾基法等部盡爲俄羅斯所踞與印度僅

濟隴

西北爲葉爾羌

昔回疆西四城之一今改爲內地

又北爲和闐

士一山

爲戈壁

沙漠之地

由東北以達東南則青海四川雲

南之邊境也川陝滇入藏之路有三惟雲南中甸之路峻

巖重阻故軍行皆由四川青海二路而青海路亦出河源

之西未入藏前先經蒙古草地千五百里又不如打箭鑪

內皆腹地外環土司故駐藏大臣往返皆以四川爲正驛

而互市與貢道亦皆在打箭鑪云

續審隘篇

嘉慶三年西藏大臣松湘圖鈞著西招圖略二十八條其

審隘篇云守邊之術宜乎審隘繪圖使各汛官兵熟悉道里阨塞方於緩急有益譬如藏地從前因防準噶爾侵犯故自前藏東北哈喇烏蘇直至西北極邊阿里一帶三千餘里原有卡防其後仰賴

天威

勦滅準部迺除邊患今卡防久撤無庸備述至若西南有薩喀有濟隴有聶拉木有絨轄有喀達有定結有干壩有帕克哩一帶既爲沿邊阨塞皆宜審辨詳識也聶拉木內有定日汛守備一員統領漢番弁兵鎮守自定日三站至聶拉木中隔通拉大山阨塞天然定日西入站至濟隴計有莽噶布堆官寨洋阿拉山鞏塘拉山宗喀城靈瓦昌峽

察木卡山梁招提壁壘邦馨亦皆天然阨要定日西南距

絨轄四站中有山峽崎嶇僅容一騎又由定日西南入山

走札什宗隆邁三站至喀達邊隘

在絨轄
邁東

中多阨險定日

西北遙通薩喀遊牧界連阿里此定日以外之形勢也定

日以內兩站至協噶爾官寨是爲大路官寨迤西數里巖

峽聯絡一名羅哩一名果瓊拉實爲協噶爾屏障協噶爾

迤南亦通喀達僅四站

路狹更有
吉拉大山

東南經春堆瑪布甲仲

烏拉山直抵薩迦廟

路坦

巴勒布卡契等貿易往復經此是

爲通衢協噶爾以內兩站至甲錯大山中有羅羅塘汛大

山迤西地名拉固隆固其西北越一大山係唐古特世家

波緘巴游牧東連洋阿拉西接鞏塘拉毗連薩喀東界其

甲錯木爲天險且有瘴氣內抵拉孜僅一站拉孜東南兩

站至薩迦路坦拉孜西北十站至宗喀沿途多險拉孜以內

五站至後藏札什倫布沿途險隘有四自西而東一日科

頗拉一日日東巴一日彭錯嶺一日格登山峽因於彭錯

嶺東巖道築卡爲隘此後藏迤西直抵拉孜之右路亦通

衢也自格登山峽西南直抵拉孜之捷徑中有珠鄂隴山

峽僅容一騎是爲中路最爲險要因於珠鄂隴築卡爲隘

自札什倫布西走那爾湯越達克拉平山山離札什倫布

設伏爲後至崗堅刺麻寺分路西南通朗拉山六十餘里儘可

招保障此後招重保障今

仿八陣之法於嶺頭
堆立鄂博六十有四
經察隴蠻寨曲多江鞏阿尼鞏三處

卡隘過阿仲拉大山轉西卽至薩迦是爲左路卽貿易通

衢薩迦西南亦通喀達邊隘係由瑪布甲春堆宜霞爾楚固爾隆邁等處共五站至喀

達自喀達沿邊東行四日可達定結邊隘自札什倫布經

那爾湯對面入南山走仁津孜塔克及拉固隆固此一帶九山九

溝險隘頻仍共行四日至定結而札什倫布東九里有白朗

官寨此寨東南入山經堆瓊官寨金谷爾拉等山金谷爾拉一帶

皆爲扼要走錯莫志通海子南岸共行六日至定結由定結東

行一站至干壩又東三站至帕克哩帕克哩本名那木結噶爾布不產裸麥

是爲藏地南界此外東接布魯克巴所屬巴珠布拉小部

而西南毗連哲孟雄部哲孟雄人民雖大半已被廓爾喀
侵佔然其部中有大河名藏曲所有河北百餘戶仍能保
護部長依河據險堅守自固蓋藏曲水深溜急難度源自
喀達一帶眾水匯流至布魯克巴界而南入噶里噶達部
唐古忒謂南界有水城無庸戍多兵是爲邊外阨塞帕克
哩以內四站至江孜沿途多有阨塞由江孜至康瑪爾一
瑪爾迤南間有山峽而帕克哩東西
帶有連山叢石自康南三面皆山北有海子名薩木錯江孜亦設守備統領
漢番弁兵鎮守所有定日江孜二汛皆屬後藏都司統轄
自前藏西南行七日共六百餘里至江孜而西過白朗共
行二百餘里乃至札什倫布此前藏直達後藏之正路至

沿途阨塞自前藏起有曲水有巴則有春堆皆在江孜以內而江孜迤東有錯納有工布均爲前藏南界邊隘前藏有通札什倫布捷徑係由巴則山陽西北經行仁本山溝較之正路可近兩站尙有北道由札什倫布東北渡江走陽巴井游牧共十站卽抵前招路程與正路相等險有德慶東山巖道有巴布賴長嶺有瑪爾江有喇湯皆爲阨要如由陽巴井東北行三站可抵達木蒙古游牧自此東北一帶毗連三十九族游牧而正東緊接哈喇烏蘇直達西甯均係草地由哈喇烏蘇轉向西南過將徵經達隆共行九站可抵前招中有阨塞不甚險要此衛藏圍圓大概僅

述要隘以示汛官以重操防也

魁

按此篇雖舉全圖言之

而於後藏西南一帶獨詳其時固防廓夷患也然則何爲而續耶蓋察地輿者貴原委之週知而談軍務者貴險要之備悉今英吉利占據五印度兼并廓爾喀哲孟雄諸部鐵路已開至獨吉嶺其言重在通商而唐古特部眾又復迭次阻撓難保不激生變故且邊界野番雜處萬一乘機竊發處處堪虞是則南界之防尤今日之急務也查阿里迤西岡噶江上游有拉楚河狼楚河皆東水西流合而南下復折向東有麻楚河

一作瑪楚河

自阿里東南流出會之三

水既合始名岡噶江又東南流二百里出阿里界

經馬木巴作木

朗部落至厄納
特克國入南海

其疆域東自藏界麻爾岳木嶺

一作瑪爾
裕木嶺

向西二千一百餘里南自匝木薩喇嶺向北一千餘里東
北近岡底斯山週圍以岡噶江源流爲界疑卽唐書泥婆
羅明史尼八刺國地向爲頗羅爾長子朱爾瑪特策登駐
防處有城十三有廟五其北界葉爾羌布魯特其西爲蔥
嶺雪山其南界廓爾喀

昔爲浴敏湯作木
朗地今併歸於廓

阿里宗城

一名
堆噶

爾

今爲邊商總匯之區北路由乾竺特逾蔥嶺可通俄羅

斯此阿里迤西地勢也其自阿里起沿廓爾喀境東南行

其要隘曰薩喀曰達卽拉山曰宗喀曰嗎爾曰滾達曰卓

黨曰濟隴曰俄隴曰索絨曰札木多曰聶拉木曰熱索橋

橋臨鈕楚河水發源滾達卓黨山南
經濟俄索蓋等處出橋下入廓境

又從聶拉木北行至

絨轄逾通拉大山至定日汛又東南爲札什宗爲隆邁爲

喀爾達有朋楚河會二水入哲境

朋楚河發源定日西北向東流結楚河帕里河

皆自東北來會西南流入哲孟雄境下流入雅魯藏布江

逾河北行至定結又東北至

干壩又東至帕爾又西南至噶里逾嶺卽爲哲部獨吉嶺

此阿里及後藏南邊要隘也其由帕克哩北行至熱龍

西距

江孜汛一百四十里

又東行至仁子又東爲折拉爲倫子爲洛巴有

穆楚河自北來入奈楚河

奈楚河發源仁子東趨折拉倫子洛巴南境折東南流入布魯

克巴

逾穆楚河東行至咱義其雅魯藏布江由阿里迤北

之達木綽克喀巴布山發源曲折東趨受南北大小數十

河水橫貫全藏至甲噶咱義折東南流入貉諭野人境

經印度由咱義東行逾雅魯藏布江又東過烏蘇江源出墨竹

入南海工卡以北下流又東過桑楚河至薄宗桑楚河發源拉里以西之桑楚山

入雅魯藏布江又東繞龍川江南流經薄宗出都克里山為薄藏布河南

流入羅喀布占國界下流入雅魯藏布江上游過怒江經洛隆至嘉裕橋再東繞道出王卡之西循

瀾滄江西岸又東南過江直抵雲南麗江府屬之維西廳

蓋藏南沿邊一帶之要隘如此且夫藏地層岡疊嶽峻峭

插天皆發脈於岡底斯山而蜿蜒分布者也藏南沿邊一帶數千里夷

人統謂之希模急溜危湍縱橫匝地皆會歸於雅魯藏布

江而曲折南流者也惟極西之岡噶江與江卡以東之怒江瀾滄江三水各趨南海不入雅魯

江藏布山河之險遠勝內地一夫把隘萬眾趨趨而其稱名

則難更僕數也後藏札什倫布東北行至江孜汎西南行至定日汎皆孔道而定日距邊較近尤爲四通八達是均宜重兵鎮守者乾嘉間惟防廓爾喀故於濟隴聶拉木絨轄喀達四口堆立鄂博置戍兵今哲孟雄一名西金布魯克巴

其會城名札什曲宗諸部落將盡歸於英吉利疆場交錯玉帛兵戎

何常之有藏南沿邊一帶數千里地能不爲未雨綢繆之計詳審要隘而多設卡防也耶故曰察地輿者貴原委之週知談軍務者貴險要之備悉謹贅鄙言爲籌邊者之一

助云爾

篇內獨吉嶺一作獨脊又名大吉嶺

內地程站附考

是書專言西藏應從藏界寧靜山江卡叙起而成都至打箭鑪裡塘巴塘爲入藏正驛鑪裡巴三臺及察木多古名康亦稱前藏茲叙程站自成都起至鑪裡巴三臺附於卷首明來路也紀載從畧主客之分也

自四川省城至打箭鑪十一站計程一千零二十里

衛藏圖識作九百二十里西招圖畧作九百七十里西藏志作八百六十五里光緒四年黃懋材西轅日記作十三站九百七十五里

成都府

四十里

雙流縣尖

六十里

新津縣宿

計程一百五

里新津縣

四十里

斜江河尖

六十里

邛州宿

計程一百十

里邛州

五里

大塘舖尖

五里

百丈驛

又名白站宿計

程一百五里百丈驛

五里

名山縣尖

五里

雅安縣宿

計程九十五里雅安縣

五里

觀音舖尖

五里

榮經縣

宿計程一百二十里榮經縣

六里

小關山尖

六里清

溪縣宿計程一百二十里距清溪縣五里爲羊圈門

肯夫於該處分路往泥頭驛較近十五里清溪縣出

南門走建昌出西門進藏

五里

富庄俗名蠻庄尖

四里

五泥頭驛宿清溪尉駐此計程七十里自過清溪後

路益加險泥頭驛

三里

林口尖

五里

化林坪宿計程

六十五里由林口二十里上飛越嶺山勢陡峻怪石

嶮巖終年積雪內地第一險阻也山頂有隘過隘卽

下山十五里陡坡無駐足處至化林坪沈邊土司屬

山頂有一海子廣不過三里居民皆飲之化林坪十三

五冷磧尖

四十里

瀘定橋宿計程八十里地稍溫煖河

卽瀘水有鐵索橋康熙四十年建東西長三十一丈

一尺寬九尺索九條覆木板於上有巡檢一員瀘定

橋

四十里

大烹壩尖

四十里

頭道水宿計程八十五里頭

道水高崖夾峙一水中流居民皆住山麓巖後瀑布

亦一大觀頭道水

三十里

柳楊尖

三十里

打箭鑪宿計程

六十五里

自打箭鑪至裡塘八站計程六百八十五里

西轄日記作十站
計六百六十里

打箭鑪古旄牛國俗傳諸葛武侯南征遣將軍郭達

造箭於此出南門十里過工竹卡凡差使至此始照口

外例支應四十里折多宿計程五十里自此出口山川

奇險別開面目折多五十里提茹尖途中多產大黃藥

氣薰蒸過者氣喘三十里阿娘壩宿計程八十五里阿

娘壩三十里瓦切一作瓦磧尖二十里東俄落一作東惡

洛宿計程五十五里東俄落三十里高日寺尖四十里卧

龍石宿計程七十五里西轄日記東俄落二十里山
根三十里山頂高日寺二十

五里卧龍石附參

卧龍石里

六十八角樓尖里

六十中渡宿計程

一百二十里中渡一名河口即鴉龍江也皮木船渡

過河爲裡塘界中渡

七十里翦子灣尖里

六十西俄落一

作西惡洛宿計程一百三十五里按此站路甚險遠

難行且多夾壩

夾壩猶言劫盜也

行者或由中渡過河行三

十五里至麻蓋宗地方一作麻蓋中即宿以均程途

且戒備焉西俄落里

四十哨馬拉洞尖里

七十火竹卡宿

計程一百十里哨馬拉洞防夾壩火竹卡

二十里火燒

坡尖里

二十裡塘宿計程四十五里

自裡塘至巴塘六站計程五百四十五里

裡塘

五十里

頭塘宿卽公撒塘番名額四奔松一作納

哇奔松此站人戶柴草俱無僅有塘舖行人須帶口

糧帳房頭塘

四十里

乾海子尖

六十里

喇嘛丫宿計程一

百五里此站下坡嶺爲夾壩出沒之所喇嘛丫

五十里

二郎灣尖

五十里

立登三壩宿計程一百十里三壩番

語橋也此巴裡二塘交界處立登三壩

五十里

松林口

尖

五十里

過巴隆達河至大所塘宿計程一百里大所

塘

九十里

奔察木尖

四十里

小巴冲一作小壩冲宿計程

一百三十里小巴冲

五十里

巴塘宿

自巴塘至察木多十四站計程一千四百五里此處祇

叙內地四站計四百四十里

西招圖畧自巴塘至察木多一千四百三十五里

巴塘或云卽白狼王唐叢之故地有丁林寺或云卽

古丁零羌之遺種其地方廣七百餘里袤千餘里

四十

里牛古渡尖

五十里

竹巴籠宿計程九十里自巴塘至

西藏途中有醉馬草馬食如醉輒疲乏不能行竹巴

籠渡江卽金沙江

四十里

公拉尖防夾壩

九十里

莽里卽

莽嶺宿計程一百三十里有熱傲供給差役凡熱傲

磔巴皆番稱頭人也莽里

八十里

南墩一作南登尖

四十

里古樹一作谷黍宿計程一百二十里由莽里行三

十里至邦木中有甯靜山爲內地西藏交界處勒有

界碑山以西爲藏地古樹

四十里

普拉尖

六十里

江卡宿

計程一百里以後皆屬藏地另爲詳叙